

ԶԻՅԵՐԻԱԿԱՆ ՊԵՏՈՒԹԻՒՆԸ

(Զւիցերիայի 600-ամեայ տօնի առիթով)

ՄԿՐՏ. ՄԱՆՈՒԶԱՐԵԱՆԻ

Ի նկատի ունենալով այն մեծ բարգաւաճումը, որին կարողացել է հասնել Զւիցերիան քաղաքակրթութեան զրեթէ բոլոր ճիւղերում և այն մեծ համակրանքը, որ նա վայելում է տմբողջ աշխարհում, օգտուում ենք այդ երկրի դաշնակցութեան 600-ամեայ տօնախմբութեան առիթից, ներկայացնելու համար «Մաւրճ»-ի ընթերցողների առաջ այդ դարմանալի երկրի քաղաքական կազմակերպութիւնը, Տօնը կատարւեց օգոստոսի 2-ին ամենամեծ շուքով, և նա արձագանք գտաւ ամբողջ աշխարհի մամուլի մէջ:

ԴԱՅՆԱԿՑՈՒԹԻՒՆԸ

Հասարակական իրաւունքը ¹⁾ որոշում է երկու տեսակ դաշնակցութիւն. Դաշնակից պետութիւն (L'état fédératif) և Պետութիւնների դաշնակցութիւն (La confédération des états):

I. Դաշնակից պետութիւն ասելով, պէտք է հասկանալ քաղաքական այն կազմակերպութիւնը, դաշնակցական այն ձևը, որի քաղկացուցիչ իւրաքանչիւր պետութիւնը, առանձին առաժ, ունի իւր ներքին ինքնօրինութիւնը (autonomie): Նա կարող է անկախօրէն կառավարել երկիրը, հարկ

¹⁾ Հասարակական իրաւունքը գործեմ ածում Droit public բառի մտքով, որի աւարական կազմում է այլ և այլ պետութիւնների իրար և նոցա ու անհատների մէջ եղած յարաբերութիւնները: Իսրան բաժանում է 2 ճիւղի. a) Հասարակական արտաքին իրաւունք (Droit public externe) կամ այլապէս միջազգային իրաւունք (Droit internationale), որի առարկան աշխարհի մէջ եղած յարաբերութիւններն է և b) Հասարակ. ներքին իրաւունք (Droit public interne) որի մասերն են կազմում 1) սահմանադրական իրաւունք (Droit constitutionnel) և 2) վարչական իրաւունք (Dr. administratif)

հաւաքել. ունի օրէնստու, գործադիր և դատաստանական իշխանութիւն. Ներքին ալ մեծ խնդիրներում նա անկախ է, որքան ալ թուլ է տալիս դաշնակից սահմանադրութիւնը վերաքննութեան ենթարկել. իսկ ինչ վերաբերում է արտաքին խնդիրներին, դաշնակցութիւնը մի անբաժան ամբողջութիւն է կազմում. Նման դաշնակցութեան զաղափար առաջին անգամ արծարծեց Ալէքսանդր Համբարումը, որը ընդունեց նախ Ամերիկայի Միացեալ Նահանգներում. իսկ աւետեղից անցաւ Եւրոպայ, Եւրոպոյ ձևի դաշնակցական կազմակերպութիւնը (Պետութիւնների դաշնակցութիւն) ալ է որ խաբարանչիւր դաշնակից պետութիւն կատարեալ մի անկախ պետութիւն է. Նա կարող է օտար պետութիւնների հետ անկախ օրէն դաշն կապել, ունենալ ինչ ձևի վարչական եղանակ կամենում է, նոյն իսկ պատերազմ հրատարակել, հաշտութեան դաշն կապել, Այստեղ կենդրոնական մի մարմին գոյութիւն չունի, որին համերաշխաբար մասնակցեն իւրիւր, լողակցելով իրանց գերիշխանութիւնը, ինչպէս առաջին եղանակում. 1815 թիւն Վիեննայի կոնգրէսում, Մետերնիխի մտքի անմիտ ժտեղծարարութիւնը, ալն հրէջը, որ գերմանական պետութիւնների դաշնակցութիւն էր կազմում, տիպ էր ալ ձևին, ուր Աւստրիան և Պրուսիան իրանց ձեռքն էին առել սէլմը:

Զուգերական դաշնակցութիւնը ոմանք դասաւորում են երկրորդ, ոմանք առաջին կարգին. Յիրաւի է որ Իոնապարտը, acte de médiation-ով խառնեց իւր մատը և նորա ցանկութիւնն էր երկրորդի կերպարանքը տալու, որը իւր նպատակներին աւելի համապատասխան էր, ուզեալով թուլացնել դաշնակցութիւնը. Վիեննայի 1815-ի կոնգրէսը նոյն ձգտումն ունէր. քաղց Զւիցերլանդ վաղուց անտի չի սիրում և նա տանել չի կարող, երբ օտարները իրանց քթով ներս են խցկւում իւր ընտանեկան գործերում և ոչ իսկ կուր աչքով է նայում դիմակաւոր բարեկամի արած շորհքներին. Առաջիմ բաւականանա՞նք ասելու, որ 1848-ի սահմանադրութիւնով նա հակաւ է ֆեդերատիւ ձևին. իսկ 1874-ի սահմանադրութիւնից լետով, նա խառն ուսմական (mixte) դաշնակից պետութիւն է ¹⁾:

¹⁾ Որոշում է 3 ձևի ռաւապետութիւն—I անմիջական, II միջնորդական կամ ներկայացուցչական և III խառն (mixte):

I. Անմիջական աւամկապետութիւն ասում են վարչական այն անտակ կազմակերպութեան, ուր ժողովուրդը անձամբ վարում է իւր գերիշխանութիւնը, այսինքն վարչութիւնը պատկանում է աւամքին. Անմիջական ռաւապետութիւն էր օր. Աթէնքի հասարակապետութիւնը. իսկ մեր օրերում զւիցերլանդի մի քանի կանտոնները:

II. Միջնորդական աւամկապետութիւնը աւելի նոր ժամանակներին է պատկանում Այդ ձևը ծնունդ առաւ Հիւսիսային Ամերիկայում. Այդ ձևի յառաջանալու դիւաւոր շարժառիթներն էին՝ երկրի ընդարձակ տարածութիւնը և ժողովրդի մեծ բազմութիւնը, որոնք քաղաքական կենտրոնից շատ Հեռու սիւսած

Մի կողմ թողնելով նորա քաղաքական ինչ աստիճան ունենալը, կ'անցնեմ սահմանադրութեան: Իսկ ինչ պէտք է հասկանալ սահմանադրութիւն ասելով: Մի քանի խօսքով արկէս կարելի է բացատրել: Սահմանադրութիւնը՝ մի ժողովրդի ընդհանուր կամքի արտաբերութիւնն է, որով սահմանում են կանոններ, ապահովելու է պաշտպանելու անհատին՝ տէրութեան դէմ, տէրութիւնը՝ անհատի և անհատին՝ վարչութեան դէմ: Եթէ այդպէս է, ապա ուրեմն և նա անփոփոխ չի կարող մնալ. այլ համաձայն հասարակութեան քաղաքակրթութեան և զարգացման (évolution), սահմանադրութիւնն ևս պէտք է փոխել, ժամանակի պահանջներին համապատասխան: Դաւոց սերնդի համար արտօր մենք կարող չենք և իրաւունք էլ չ'ունենք որ և իցէ մի կանոն դնելու, որը արտօր կարող է ժամանակի պահանջները լրացնել. իսկ ով կարող է երաշխաւորել, որ նա ապագալու մի կատարեալ արտօր չի լինի. և բացի այդ, ինչպէս կարող ենք արտօր պահանջել, որ լետագալ սերունդները են թարկւեն մեր կամքի արտաբերութեան. Եւ արդարեւ Զիցներիտի դաշնակցութիւնը, մինչ ներկալ դրութեան հասնելը, երկար փոփոխութիւնների է ենթարկւել, և արտաբերութեան համաձայն իւր հարեան Ֆրանսիոյում տեղացող քաղաքական դէպքերի և տիրող դադափարների ազդեցութեան ներքոյ:

Նրեք գլխաւոր շրջանների կարելի է բաժանել նորա պատմութիւնը.

1-ին 1291—1798 թ.

2-րդ 1798—1803 թ. և

3-րդ 1803 ից մինչ ներկալ ժամանակը:

մանակը:

Առաջին շրջանում դաշնակցութեան մասնակցում են նախնական հրեք լիւսնական կանտոնները՝ Շւից, Ուրի, Ունտերվալդէն, որոնք նախկին

լինելով, անկարող էին համախմբել: Այդ արդելքներից ստիպւած, ժողովուրդը, պահանջելով իւր գերիշխանութիւնը, կառավարութիւնը յանձնում է իւր ընտրած ներկայացուցիչների ժողովին: Այդ ձեւի գլխաւոր ակումքը կայանում է նրանում, որ ժողովուրդը կառավարում է իւր սեփական պաշտօնաններով և օրէնքներ ստանում իւր յատուկ ներկայացուցիչներից, որոնք և վերաստուպում են վարչութիւնը: Պէտք է ասած, որ երկու սխառն կայ ընտրողութեան. 1, երբ ներկայացուցիչները ընտրւում են ուղղակի ժողովրդից և 2-դ, միջոցով և և ան ընտրողութիւն. երբ ժողովրդից ընտրւած երեսփոխանները իրանց քէնով ընտրում և ներկայացուցիչներին:

III Խաւն (mixte, ասմկապետութեան կարակտէրը որոշում է աւհասարակ սահմանադրական կանոնները քէնարկութիւնով: Դա միջին տեղն է ըստում միջնորդական և անմիջական ասմկապետութեան: Ուր, Զիցներիտում սահմանադրութիւնը քէնարկում է անմիջապէս ժողովրդից, որով ազգային կամքը արտայայտում է կատարեալ ինքնով: Իսկ այդ գոյութիւն չ'ունի ներկայացուցչական ասմկապետութեան մէջ, որ ներկայացուցիչները ժողովին է յանձնած այդ իրաւունքը:

միութիւնը նորոգում են 1291 թ. մի նոր պայմանով: 1332-ից սկսած 3 միաբան կանտոններին միանում են՝ 1332 թ.-ին Վիցէրն, 1351-ին Յիւրիխ քաղաքը, 1352 թ. Յուգ և Գլարիս, իսկ 1358-ին Բէրն քաղաքը: Միաբան կանտոններից իւրաքանչիւրը բոլորովին գերիշխան էր, թէև դաշնակցութիւնը ունէր մի տեսակ գերիշխանութիւն: Օրինակ. 1443 և 1444-ին դաշնակից կանտոնները զէնքով ստիպում են Յիւրիխին, հրաժարուելու Աւստրիայի հետ կապած պայմանից: 1481-ին կոնստանցի ժողովը վճռում է արգելել օտարների խառնելը իւր գործերում: Այդ ժողովից լետու, միանում են Ֆրիբուրգ և Սոլոգուրն, 1501-ին Բազել և Շաֆհաուզեն. իսկ 1513-ին Ապպենցել: Այդ շրջանում կաին աշխական հասարակապետութիւններ և ռաժական հասարակապետութիւններ: Գիւղական աշխատաւոր դասը, բացի մի քանի կանտոններից, միւսներում զուրկ էր իրաւունքներից: Քաղաքների բնակիչները իրանց ձեռքն էին հաւաքել կանտոնի վարչութիւնը և վարում առանց ժողովրդի մասնակցութեան: Մի կողմից աչք, միւս կողմից օրաւոր աճող կրօնական երկպառակութիւնները աւրթ էին տալիս ժողովրդի դժգոհութեան, մինչև որ վրաէ հասնում ֆրանսիական մեծ լեղափոխութիւնը (1789 թ.-ին), որի աղղեցութեան ներքոյ հին սահմանադրութիւնը ընկնում է 1798 թ.-ին. Բազէլեան կոչւած ակտով (acte) 1898 թ. սահմանադրութեան փոխարինում է 1801-ին հոկտեմբերի 25 նոր սահմանադրութիւնը, որով Զւիցերիան ստանում է «Հէլւետական մի և անբաժան հասարակապետութիւն» կոչումը: Այդ սահմանադրութիւնով ճանաչւում է ժողովրդի գերիշխանութիւնը և հաւասարութիւնը. իսկ դաշնակից կանտոնների նաճած երկիրները—Վօ (Vaud), Թիւրգովի և Թէսսին աղատւում են, միանալով դաշնակցութեան հետ հաւասար իրաւունքներով: Հազիւ երկու տարի պոլութիւն ունենալուց լետու, 1803-ին, Բոնապարտը, (դեռ կօնսուլ) կազմում է acte de médiation-ով նոր սահմանադրութիւն 19 կանտոններից բաղկացած դաշնակցութեան համար: Այդ սահմանադրութիւնով ժողովուրդը զրկւում է իւր գերիշխանութիւնից: Բոնապարտի անկումից լետու, 1815 թ. հանգէս է գալիս Վիէնայի կոնգրէսը, իւր քաղաքական հաւասարակշիւութեան սկզբունքով, նոր կաղմակեպութիւն տալու Եւրոպային. (աղգերի իրաւունքները ոտնահար անելու): Նա իսկապէս դրստում է! Զւիցերիայի հոնքը դրստելու տեղ աչքն էլ է հանում հետը: Այդ կոնգրէսում Զւիցերիան ճանաչւում է եւրոպական պետութիւնների շարքում, ինչպէս անկախ պետութիւն, չէզոք զիրքով (sic!) ¹⁾ ալն պայմանով, որ թոյլ կը տալ վանքերի ազատ գոյութիւնը և նման մի քանի

¹⁾ Դէպքերը ցոյց տւին, թէ ի՞նչ կերպ էր յարգւում ներշնչութիւնը: Բող նա պատրաստ չը լինէր պաշտպանելու, այն ժամանակը կ'երևար թէ Պրուսիան ի՞նչ կերպ կը վերաբերէր գէպին ներշնչութիւնը ժողովրդական հաւասարակշիւութիւնը պահպանելու համար:

պալմաններ, Ալդ վեհաժողովով միանում են դաշնակցութեան ժընէւի, Նիւշատէլի և Վալէի կանտոնները, ժողովուրդը կրկին կորցնում է իւր գերիշխանութիւնը, որին տեղի են տալիս կուսակցութիւնները և կանտոնները: Սակայն չը նախած Վիէննայի կոնգրէսի գործ դրած միջոցներին, թէն նա ազատեց Զւիցերիային Բոնապարտից, բայց նա կարող չէր զերծ պահել Նորան Ֆրանսիայում եփուղ քաղաքական անցքերից և արող գազափարների շարժումից: 1830-ին և 48-ին Ֆրանսիայում կատարւած դէպքերը անհետեանք չ'անցան, այլ ընդհակառակը շատ խոր կերպով թողին իրանց հետքերը, բուռն կերպով արձագանք գտնելով Զւիցերիայում: Յառաջ են գալիս 1847-ին քաղաքային ներքին խռովութիւնները, որի հետեանքը եղաւ ռամկապետական սկզբունքների տարած փառաւոր լաղթանակը, իսկ զորա արգասիքը ռամկական սկզբունքների վրա հիմնւած ու ամբողջ ազգի քւէարկութիւնով ընդունւած 1848-ի սահմանադրութիւնը: Դա, կարելի է ասել, ստեղծում է «Զուիցերական ազգութիւնը», ճանաչելով նորա գերիշխանութիւնը, որից զրկւած էր նա 1803-ի acte de médiation-ով և 1815-ի հաւասարակշռական քաղաքականութիւնով (Equilibre politique), որոնք Զւիցերիային պետութիւնների դաշնակցութեան ըէժիմին ենթարկեցին:

1848-ի սահմանադրութիւնը ճանաչում է ժողովրդի գերիշխանութիւնը, նորան մասնակից անելով՝

1. Պէլբեսցիտի ¹⁾ միջոցով դաշնակցական սահմանադրութեան կազմելուն:

2. Ազգային խորհրդի միջոցով մասնակցում է օրէնստութեան. իսկ 1848-ի սահմանադրութիւնը ժողովրդի քւէարկութիւնով, Այդ սահմանադրութիւնով ժողովուրդը ստանում է նաև Րէֆէրենդում ²⁾ (Referendum) (տգ. 98—90. Դ. Ս.):

Այստեղից երևում է, որ Զւիցերիան խառն (mixte) ռամկական կազմակերպութիւն ունի, ալսինքն ալն տեսակ մի վարչական եղանակ, ուր վարչութիւնը պատկանում է ամենքին, ուր ազգի կամքը սահմանում է օրէնքներ, ասել է գոլութիւն ունի քնական իրաւունքների հաւասարութիւնը, ուրեմն և բոլոր քաղաքացիների հաւասարութիւնը. ալգտեղից հետեւում է, որ հասարակական պաշտօնները ոչ արտօնութիւն և ոչ իսկ սեպականութիւն են ալս կամ ալն անհատի կամ խումբ անհատ-

¹⁾ Plebiscite (պէլբեսցիտ) կոչւում է ընդհանուր անմիջական քուէարկութիւնը սահմանադրութեան կամ սահմանադրական օրէնքների: Խառն ռամկապետութեան յառկանէ կողմերից մէկն էլ պէլբեսցիտն է:

²⁾ Referendum (ըէֆէրենդում) ամբողջ ազգի անմիջական քուէարկութիւնը ոչ սահմանադրական օրէնքների, որի միջոցով ժողովրդի ձայների մեծամասնութիւնով ընդունւում է կամ կրկնւում օրէնքը (ոչ սահմանադրական):

ների, այլ խօսքով ազգը ինքը գերիշխան է, այն ազգը, որը բազմակացած է տարբեր ծագում ունեցող, տարբեր լեզուներով լի միտքը արտապատող և, եթէ ուզում էք, աւելի քան տարբեր կրօններ դաւանող, երկք տարբեր էլէմէնտներից—գերմանացիներից, ֆրանսիացիներից և իտալացիներից: Այլ ալ տարբեր էլէմէնտները, ներկայացնում են մի անբաժան, ուժեղ և, եթէկամենում էք՝ «մոլեռանգ» ազգութիւն—նոքա «զւիցերացի» են:

Փորձեցէք մաքուր ֆրանսերէն խօսող ժընեւացուն, կամ Նիւշատեցուն ֆրանսիացի անւանելու, սխալմամբ թէ սօսիւցում է իտալացի իսկ բէրնցում գերմանացի կոչէք, նոքա բոլորն էլ կը վիրաւորեն և շատ վատ կը վիրաւորեն. «մենք զւիցերիացի ենք, ներեցէք, կը նկատեն ձեզ, Այլ ալ շատ հասկանալի է, քաղաքական կեանքի տարբեր խաւերը, որոնցով Զւիցերիան անցել է, ազատութեան փառաւոր լազթանակներով լի պատմական անցեալը, ալօր աւելի խորն են արմատացրել ալ տարբեր էլէմէնտներու «ազգութեան» գաղափարը, քան ուր ե իցէ: Թէ ալսպէս, թէ ալնպէս, նա ալօր փոքրիկ, սակալն ուժ ունեցող գերիշխան մի ազգութիւն է, այն ևս կազմակերպւած մի ազգութիւն:—Տեսնենք դաշնակցութեան կազմակերպութիւնը 22 կանտոններից բաղկացած խառն ռամկապետութեան:

Իւրաքանչիւր մի կանտոնաւոր տէրութիւն ունի երեք իշխանութիւն (pouvoir).—օրէնսդրական, գործադիր և դատաստանական: Առաջին անգամ պետութեան ալ գերեք իշխանութիւնների բաժանումն ձեւակերպեց Նոր դարումս Մօնտեսքիօն (Montesquieu), Հիւսիսային Ամերիկայի սահմանադրութիւնը առաջինը ներս մտնեց ալ գաղափարը, իսկ ալժմ գրէթէ բոլոր ներկայացուցչական պետութիւնները ընդունել են ալ սկզբունքը—երեք իշխանութիւնների բաժանումն, Նոքը ընդունել է, ինչ ասել կ'ուզէ, նաև Զւիցերիան: Ուրեմն դաշնակից պետութիւնը ունի երեք իշխանութիւն:

I Օրէնսդրական իշխանութիւն, որը պատկանում է դաշնակից ժողովին (assemble fédérale):

II Գործադիր իշխանութիւնը պատկանում է դաշնակից խորհրդին (conseil fédéral):

III Դատաստանական իշխանութիւն, որը կազմում է դաշնակից ատեսանը (tribunal fédéral):

A. ՕՐԷՆՍԴՐԱԿԱՆ ԻՑԽԱՆՈՒԹԻՒՆ (pouvoir législatif)

Օրէնսդրական իշխանութիւնը պատկանում է, ինչպէս ասացի, դաշնակից ժողովին, որը ներկայացնում է կազմակերպւած ազգու-

թիւնը. Դաշնակից ժողովի (օրէնսդր. իշխանութեան) կազմութեան հարցը, ամենալուրջ հարցերից մէկն է, նամանաւանդ դաշնակցական ձև ունեցող պետութիւններում: Այդ իշխանութեան կազմութիւնիցն է կախած դաշնակիցների գերիշխանութեան հաւասարակշռութիւնը. Դաշնակից ժողովը, որը այլ երկիրներում պարլամէնտ է կոչուում, լինում է կամ մի կամ երկու պալատներից բաղկացած: Ոմանք ընդունում են մի պալատից, ոմանք երկու պալատներից բաղկացած պարլամէնտական սխտեմը: Մի կողմ թողնելով առաջիկա իւրաքանչիւրի առաւելութիւնը, բաւականանամ ասելու, որ երկար ժամանակների փորձերը ցոյց են տւել, որ երկրի արդի կացութիւնով, երկու պալատներից բաղկացած պարլամէնտով, կարելի է, նամանաւանդ դաշնակից պետութիւններում, պահպանել իւրաքանչիւրի գերիշխանութիւնը (souveraineté) և տեղիք չը տալ մէկը միւսին ստորադրելու: Մինչ 1848 թւականը Զւիցերիայում պարլամէնտը բաղկացած էր մի պալատից, որի հետևանքն ալն էր, որ մի քանի խոշոր կանտոններ վերատեսուչների դեր էին խաղում դաշնակցութեան մէջ, իւր ազդ շատ հասկանալի է, եթէ ի նկատի ունենանք, որ մի քանի կանտոններ, ինչպէս են՝ Ցիւրիխ, Սէն-Վալը, Լիւցերն, Բէրն, Վօ (Vaud) և Արգաու միասին աւելի շատ թուով ժողովուրդ ունեն քան միւս կանտոնները միասին առած, որոնցից մի քանիսը, ինչպէս ասում են՝ մէկ թիզ տարածութիւն ունեն երկու զուգ ժողովրդով ¹⁾:

1) Կանտոնները թւում են 22, իսկ կիսա-կանտոններով հաշւած՝ 25:

Սպայէնցէլ (արտաքին)		21,841 բնակիչ:
Արգովի	140,4	քառակուսի կիլոմէտր 198,645
Բազէլ (քաղաք)	358	» 65,101
Բազէլ (գեւաղական)	421,6	» 59,271
Բէրն	688,9	» 1,902,167
Ֆրէբուրգ	186,9	» 115,400
Սէն-Վալլ	201,9	» 210,491
Ժընէւ	274,4	» 101,633
Գլարիս	691,2	» 34,213
Կընզոն	718,5	» 93,864
Լիւցէրն	1500,8	» 134,806
Նիւշատէլ	809	» 104,378
Սպայէնցէլ (ներքին)	241,1	» 51,958
Շաֆհաուզէն	294,2	» 38,384
Շվից	908	» 51,335
Սօլէուր (Soleure)	783,6	» 209,920
Թէսսին	211,8	» 130,777
Թիւրգովի	388	» 99,285
Ունտերվալդէն (վերին)	474,4	» 15,356
Ուրի	108,6	» 23,694

Պարլամենտը մի պալատից բաղկացած լինելով, ուր իւրաքանչիւր մի կանտոն ուղարկում էր ժողովրդի թւի համեմատ ներկայացուցիչներ ¹⁾, մեծ կանտոնները պէտք է տալին և չափ թւով ներկայացուցիչներ, քան փոքրիկ կանտոնները, իսկ ակդ ակդպէս լինելով, պէտք է, որ հաւասարակշռութիւնը խախտէր, նամանաւանդ, երբ ներկայացուցիչները հրահանդէ ին ստանում ընտրւած կանտոնից: Այդ չարիքի առաջնաւորութեամբ ընդունւում է երկու պալատներից բաղկացած պարլամենտական սիստէմը, որը և գոյութիւն ունի այժմ: Պարլամենտի մի պալատը կոչւում է ԱԶՂԱՅԻՆ ԽՈՐՀՈՒՐԴ (conseil national), որը ներկայացնում է ամբողջ ազգը: Իսկ ՊԵՏԱԿԱՆ ԽՈՐՀՈՒՐԴ (conseil des états), որը ներկայացնում է պետութիւններին:

Երկու պալատների ներկայացուցիչներն են ընտրւում են ժողովրդից: 3 տարի ժամանակով: Պետութեանց խորհուրդի համար կամ աճմիջապէս և կամ կանտոնական վարչութեան միջնորդութեամբ, իսկ ազգային խորհրդի անդամները աճմիջապէս, առանց բացառութեան:

Իւրաքանչիւր կանտոն իրաւունք ունի միմիայն 2 ներկայացուցիչ ունենալու պետութեանց խորհրդում ²⁾: ազգային խորհրդի անդամները ընտրւում են այժմ ևս 20,000 հոգուն մի ներկայացուցիչ: Ներկայացուցիչները թէ ազգային և թէ պետութիւնների խորհրդի ոչ մի հրահանգ ստանալ չեն կարող (գոյ. 91. Դաշնակից Սահմանադրութեան):

Ազգային խորհրդի անդամները վարձք ստանում են գաշնակցութեան գանձարանից, իսկ պետութեանց խորհրդի անդամները իւրաքանչիւրը ալն կանտոնից, ուր ընտրւած է:

Այդ երկու պալատները միանալով կազմում են պարլամենտը (դաշնակից ժողովը), որի անդամները ղեկեցերական ամբողջ ազգութեան ներ-

Վալէ	524,7	»	100,211	»
Վ. (Vaud)	3222,3	»	238,730	»
Յուգ	239,2	»	85,000	»
Յելւիէ	172,4	»	479,101	»
Ունտէրվալդէն (Ներքին)	290,5	»	11,992	»
1880 թվականի ժողովրդագրութիւնից:				

¹⁾ Քսան հազար (20,000) հոգուն մի ներկայացուցիչ: այն կանտոնները, որոնք պակաս թւով ժողովուրդ ունեն, այնու ամենայնիւ ուղարկում են մի ներկայացուցիչ:

²⁾ Կանտոնները 22 են: Մի քանի կանտոններ բաժանւել են, օր. Բազելը—քաղաքի և գեղական (Bâle ville et Bâle campagne), Ունտէրվալդէնը—Վերին և Ներքին, Ապպենցէյ ալապէն ու Ներքին, Դաշնակցութիւնը ճանաչում է բաժանւած մասերին ինչպէս անկախ կանտոններ, միայն պետութեանց խորհրդում 2 ներկայացուցիչ ուղարկելու իրաւունք չ'ունեն, այլ կարող են իւրաքանչիւրը մի ներկայացուցիչ ունենալ:

կալացուցիչներն են ¹⁾ և ոչ արև կամ արև կանտոնի.—Պարլամենտը իւր նիստերը սկսում է չունիսին։ Սերկու պալատները նույն օրը նիստ ունեն։ Որեիցէ մի օրինագիծ նախ քան դաշնակից խորհրդին (գործադիր իշխանութիւն) ուղարկելը հրատարակելու համար (pour promulgation) պէտք է քննել և ձայների առաւելութեամբ հաւանութիւն դառնի երկու պալատներում ևս։ Գործերը վճռում ևն ձայների մեծամասնութեամբ, իսկ իւրաքանչիւր պալատի նիստը վաւերական է, երբ անդամների մեծամասնութիւնը ներկայ է (պահանջանք խորհուրդը 145 անդամ)։ Պալատների մէջ առաջնակարգութիւն (priorité) չկալ։ Որ պալատում մի գործ առաջ վճռւեց՝ ուղարկւում է միւսին, ուր ևս պէտք է հաւանութիւն դառնի։ իսկ մինչ համաձայնութիւն չը կալանալ երկու պալատներում, գործադիր իշխանութեան չի ուղարկւում։

Պարլամենտը կարող է նաեւ արտաքոյ կարգի նիստեր ունենալ, եթէ 5 կանտոններ արդ ցանկանում են, կամ երբ ազդալին ժողովի անդամների ^{1/4} ը և գործադիր իշխանութիւնը ցանկանում են։

Պալատներից իւրաքանչիւրը ունի մի նախագահ մի և փոխ նախագահ, որոնց ընտրւում են իւրաքանչիւր պալատը իւր համար։ Նախագահը նիստերին է նախագահում և երբ ձայները հաւասար են բաժանւած՝ նա վճռող ձայն ունի։

Պարլամենտի իրաւունքները և պարտաւորութիւնները։

Դաշնակից ժողովը (պարլամենտը) միմիայն իրաւունք ունի պատեռազմ հրատարակել, հաշտութեան դաշն կռել, ճանաչել օտար պետութիւններին, ինչպէս իրաւաքանական անհատներին։ Նա է ընդունում դիպլոմատիկական գործակալներին և նշանակում դեսպաններին, իսկ երկրորդական հարցերում կանտոններն ևս կարող են օտար հարևան պետութիւնների հետ լարաբերութիւն ունենալ, եթէ սահմանադրութիւնը թույլ է տալիս։— Նա է միջոցներ ձեռք առնում երկրի արտաքին վտանգների առաջն առնելու և ներքին խաղաղութիւնը ու կանտոնների սահմանադրութիւնները պաշտպանելու։ Այն կանտոն, ինչպէս ինքնօրէն պետութիւն, կարող է իւր սահմանադրութիւնը վերաքննութեան կամ փոփոխութիւններին ենթարկել միմիայն հետևեալ պալմաններով, որոնց խստիւ հսկում է զաշնակցութիւնը։ 1-ին, նոր սահմանադրութիւնը չը պէտք է դաշնակցական սահմանադրութեան հակասէ։ 2-րդ, պէտք է ունենալ ռաւակապ և տակաւն ձև։ 3-րդ, ընդունելի կանտոնի ժողովրդի ընդհանուր քւէով։ 4-րդ, պարուշակէ մի լոգւած, որը թույլ է տալիս սահմանադրութեան վերաքննութիւնը, եթէ կանտոնի ժողովրդի մեծամասնութիւնը արդ ցանկանում է։ Ուստի

¹⁾ Ընարւել կարող են ըլլոր զւիցերիացիք, 20 տարեկանից վեր, բացի 8 հոգւորւականներից, որոնք զրկւած են թէ ընտրելու և թէ ընարւելու իրաւունքից (յօդ. 75. Գ. Սահմ)։

կանտոնը, Նախքան նոր սահմանադրութիւն գործադրելը, պէտք է ներկայացնէ դաշնակից ժողովին, որի հաստատութիւնից լետու ապա թէ կարող է գործադրել:

Կարեոր դէպքում, եթէ վտանգներ են սպառնում սահմանադրութեանը, դաշնակից ժողովը կարող է մինչև իսկ զինւորական պաշարման ենթարկել ալս կամ ալն կանտոնը և զէնքի միջոցով կարող վերականգնել ¹⁾ Ինչպէս օրինակ. Նիւշատէլի իշխանականների (royalistes) փորձերը casus foederis էր դաշնակից ուժի միջամտութեան:

Ասացի, որ Իսախանկցութիւնը պաշտպանում է երկիրը արտաքին և ներքին վտանգներից. ուրեմն կարող են թերևս մտածել, որ նորա ձեռքումն է դտանում երկրի ամբողջ պատերազմական ուժը: Լը սխալ են ալդպէս մտածողները: Իսախանկից ժողովի կարգադրութեան ներքո է նա, սակաւն ոչ թէ դտանում է անմիջականապէս նորա ձեռքում: Պատերազմական կենտրոնացած ուժը ալնքան էլ թեթև ինդիւր չէ, մանաւանդ դաշնակցական պետութիւններում, որ նորա վերալ թեթև նալէր զւիցերացին: Նա մտածում է, եթէ մշտական բանակ պահէ, ալդ շաա թանգ կը նստէ ժողովրդին և, բացի ալդ, բանակը գտանւելով կենտրոնական իշխանութեան ձեռքում, ևս կարող է ի չարը գործադրել, կանտոնների իրաւունքները արհամարելով, ինչպէս ալդ տեղի է ունենում ալլ անդերում: Իսկ թողնել, որ կանտոններից իւրաքանչիւրը իւր պատերազմական ուժերը գործադրէ, ալդ էլ ալլ չարիք կը լառաջացնէր: Փոքրիկ կանտոնները կ'ենթարկէին մեծ կանտոններին: Ահա նա ինչ է վճռում. (օդ. 13. 'Իսախանկց. Սահմանադր.'): Մշտական բանակ դաշնակցութեան մէջ գոյութիւն չունի. իսկ ամեն մի կանտոն առանձին կարող չէ 300 մարդուց աւելի ունենալ:

Ինչպէս մշտական բանակ չը կալ, ուրեմն նորա պատերազմական ուժը շաա թուլ պէտք է լինի ու զինւորական արհեստը ընկած, կը մտածեն անշուշտ: Փոքրիկ բանակը շաա ու շաա ուժեղ է. իսկ ալդ նացոց տեց Պրուսիալի հետ ունեցած ընդհարումով և ցուց կը տալ, եթէ դէպք պատահի: Չը նալած, որ մշտական բանակ գոյութիւն չունի, ալնու ամենալնիւ, նորա բանակում կարգ ու կանոնը, զիսցիալինան և զինւորական մարզողութիւնները հասնում են ալն աստիճանին, որքան անհրաժեշտ է ալդ, և ալդ խոստովանում են նոլն իսկ օտար պետութիւնների աստիճանաւորները, որոնք առիթ են ունենում ներկալ գտնւելու զւիցերական բանակի տարեկան զօրահանդէսներում: Իսկ գիտես, լարգոլ ընթերցող, ալդ ամենը ժողովրդին նստում է շաա չնչին մի գումար:

¹⁾ Ինչպէս ալդ նորբա տեղի ունեցալ Թրասին կանտոնի նկատմամբ, որ պատմութիւն էր ծագել:

Մի րացատրութիւն կարելի է տալ. ինչո՞ւ զւիցերական ոչ մշտական փոքրիկ բանակը (մօտ 200,000) այնքան ուժ ու վարժութիւն, զիսցիպլինայ ունի. Մի կողմ թողած բազմաթիւ մարմնամարդական ընկերութիւնները (մի քանի հարիւրի է հասնում), որոնք աստիճան են երկրի ներսը, մի կողմ թողած այդ, կրկնում եմ, զւիցերական զինւորը, կալքից զուրկ մի մսի գունդ չէ, այլ նա զինւորական ծառայութիւնը կատարում է գիտակցաբար, հալրենիքի անկախութեան պաշտպան լինելու, և ոչ թէ օտար ազդերի անկախութիւնը ոտքին աակը տալու համար. անձ ինչու տարեկան մի քանի շաբաթ միմիայն գտանւելով բանակում, նա ձեռք է բերում ան, ինչ այլ ուր մի քանի տարիների ընթացքում չեն կարողանում.—Ո՞վ եղել է Զւիցերիայում, և չի տեսել թէ ինչպէս քաղաքացիները խումբ-խումբ դարձան հաւաքւում են զինւորանոց ուրախ տրամադրութեան ներքոյ, և մի քանի շաբաթ մնալով գնում են, տեղ տալով ուրիշներին. Ով եղել է զւիցերական համալսարանում և հեռու չէ պահել իրան տեղացի ուսանողներից, մօտիկացել է, աղա անշուշտ նա գիտէ, ինչ անհամբեր սրտով սպասում են ուսանողները ամառնալին սեմեստրին, երբ զինւորական ծառայութիւն պէտք է կատարեն, զինւորի օֆէսիէ կամ այլ աստիճանով, հալրենիքի պաշտպանութեան պատրաստելով:

Նրանի ան ազդին, որ գիտէ պաշտպանել. Ամեն քաղաքացի 20 տարեկանից իրաւունք ունի ընտրելու և պարտաւոր է զինւորական ծառայութիւն կատարել. արտօնութիւն զոլութիւն չունի (1907. 18 և 4. Դ. Ս.):

Պարլամէնտը նշանակում է բանակի ընդհանուր հրամանատարը և շտաբի գլխաւորը. Նա՝ (պարլամէնտը) իրաւունք ունի զինւորական ուսումնարաններ հիմնել և կրթել. արտիլլէրիան նրան է վերաբերում. Պարլամէնտը ունի իւր դրամարկդը, ծածկելու ծախսերը. Նորա տարեկան եկամուտը հասնում է... (չը ծիծաղես ընթերցող) 300,000—1,000,000 ֆրանկի:

Նա իրաւունք ունի մի համալսարան ու մի պօլիտեխնիկում հիմնել (1907. 27. Դ. Ս.): Վերջինս գտանւում է Յիւրիխում. իսկ դաշնակցական համալսարանի հարցը օրւալ հարցերի կարգումն է. Նա արգէն վճռած է, բայց դեռ ևս տատանւում են ուր հիմնելու. Շատ հաւանական է, որ Ֆրանսիական կանտոններից մէկում հիմնելի և այդ ես Ժընէւ, որի համար տեղ մասին շատ աշխատում են Նարլ Ֆոխտի նման մարդիկ:

(Դ. 49. 1907.)՝ դաշնակցութիւնը հսկում է, որ կանտոնները չ'իցէ թէ խոյս տան ասարակա՞ն ուսումը ձրի և պարտադիր կացուցանելուց և մի դուցէ ուսումնարաններում կրօնական էլեմէնտներ մուտք գործեն:

Նա պարտադիր է կացուցանում բոլոր կանտոններին և հասնեալ միջոցներով սոցալում աղղի և անհատի իրաւունքները. 1, որ և իցէ մի կանտոնի

քաղաքացիին ազատ կարող է տեղափոխել մի ալ կանտոն, ուր նա միւս քաղաքացիներին հետ հաւասար իրաւունքներ է վաւելում. օրէնքի առաջ խտրութիւն չկալ և ոչ մի արտօնութիւն գոյութիւն չունի Զւիզերիպում:

2) Ոչ մի կանտոն իրաւունք չ'ունի զրկել իւր քաղաքացիներին և ոչ մէկին քաղաքացիական իրաւունքից, ոչ ծագումի (droit d'origine) իրաւունքից և ոչ իսկ արտաքսել կարող է:

3) Կրօնի ազատութիւնը, խօսքի, մամուլի, հրապարակական ազատ ժողովների ազատութիւնը կատարեալ է և ոչ մի կանտոն ալ չ'իսխտել կարող չէ:

4) Ամեն քաղաքացի իրաւունք ունի խնդիրք ներկայացնելու կանտոնական և թէ դաշնակից իշխանութեան, Նա պէտք է դատի օրինաւոր և իւր սեփական դատարանով (46—59):

5) Քաղաքական քանցանքների համար մահաւան պատիժը գոյութիւն չ'ունի (107. 85) ինչպէս և մարմնական պատիժը դաշնակցութիւնը մահաւան պատիժը չէ ճանաչում ¹⁾:

Իւրաքանչիւր կանտոնի դատարանի վճիռը պարտադիր է միւս կանտոնների համար: Բացի քաղաքական քանցաւորներից, միւս քանցաւորներին կանտոնները պարտաւոր են քանձնել. եզրիտների կարգը գոյութիւն ունենալ չի կարող և ոչ իսկ վաճառքի հաստատելու իրաւունք կալ:

Նա միջոցներ է ձեռք առնում առանց հայրենիքի մարդկանց բնակեցնելու և նոցա լառաջանալու առաջն առնելու:

Երկար կը լինէր այստեղ թւել մի առ մի իւրաքանչիւր լօղաձը, ամիսփենք դաշնակից ժողովի իրաւասութեան գլխաւոր կէտերը:

Նրան է պատկանում օրէնքներ և հրովարտակներ տալ դաշնակցութեան սահմանադրութիւնը իրագործելու, Նա դաշնակցութեան պաշտօնեաների ռոճիկներն է որոշում, նոր պաշտօններ է նշանակում, (մի քանի բացառութիւնով):

Դաշնակից ժողովն է ընտրում գործադիր իշխանութեան նախագահը, փոխ նախագահը, դաշնակից դատարանը և բանակի ընդհանուր հրամանատարը:

Զինւորական վարչութեան (չտաքի) գլխաւորին, դիպլոմատիկական ագէնտներին նշանակում, օտար պետութիւնների հետ լարաբերութեան մէջ մտնում: Միջոցներ է ձեռք առնում երկրի աշկաւութիւնը, չէզոքութիւնը պաշտպանելու: Ապահովում է կանտոնների սահմանադրութիւնը և երկրի ներքին խաղաղութիւնը: Նա կարող է դաշնակից դատարանի դատապարտաճանդներին ներումն շնորհել: Զինւորական օրէնքներ է հրատա-

¹⁾ Պէտք է նկատենք, որ 1879-ից մի քանի կանտոններ մահաւան պատիժը կրկին վերականգնեցին:

րակում, փոխառութիւն անում, փողի, կշռի չափի վերաբերեալ օրէնքների տալիս, բիւջէտը կազմում. վաւարի մոնօպոլը նրան է պատկանում. հաւմաթլօզներ¹⁾ վերաբերալեալ օրէնքները և օտարականներին հսկելը նրանց է պատկանում, ինչպէս և ազդակին առողջապահութեան վերալ հրակելը և հասարակական աշխատանքները (travaux publics), կանտոնների մէջ ծագած վէճերը, եթէ քաղաքական բնաւորութիւն ունեն և այն հարցերը, որոնց մասին պէտք է որոշել՝ կանաոնին է պատկանում թէ Դաշնակցական գործադիր իշխանութեան:

Վերջապէս դաշնակից սահմանադրութիւնը կարող է վերաքննութեան ենթարկել: Պէտք է նկատել, որ սահմանադրութիւնը կարելի է վերաքննութեան ենթարկել, եթէ պարլամէնտի պալատներից մէկը ալդ ցանկանում է և կամ 50,000 քաղաքացիներ ալդ ցանկանում են, և ալդ վերաքննութիւնը տեղի կարող է ունենալ, երբ ալդ առաջարկութիւնը ժողովրդին է անում և եթէ ամբողջ ազգութեան մեծամասնութիւնը ալդ ցանկանում է. ապա նոր ընտրութիւններ են կատարում պարլամէնտի համար, որոնք հաւաքելով սկսում են սահմանադրութեան վերաքննութիւնը:

Իսկ քննած, փոփոխած սահմանադրութիւնը այն ժամանակ գործադրելի է, երբ ալդի մեծամասնութիւնը իւր քւէտով ընդունել է ալդ, և, բացի ալդ, պէտք է, որ ալդ մեծամասնութիւնը նաև կանաոններ ի մեծամասնութիւնը կազմէ (112—121):

Ինչպէս նկատում էք, ընթերցող, սահմանադրութիւնը իւր գոյութիւնով սահմանափակում է օրէնսդրական իշխանութեան իրաւունքները, որի չրմանակից հազիւ կարող է դուրս գալ և սահմանադրութեան հոգուն հակառակ օրէնքներ սահմանել. իսկ ալդ կոնտրոլ է անում անմիջապէս ժողովրդից իւր Պէժբիսցիտով և Բէֆէրէնդումով:

(Կը շարունակւի)

¹⁾ Հայմաթլոզներ (Heimathlose) կամ առանց Հայրենիքի մարդիկ (les gens sans patrie) կոչւում են Զւիցցերլանդի նոքա, որոնց նախնիքը ինչ ինչ պատճառներով կորցրել են Համայնքի անդամ լինելու իրաւունքը. դոքա թւով մի քանի 100-ի են Հասնում: